



## **IZVJEŠTAJ O RADU KOMISIJE ZA ODLUČIVANJE O SUKOBU INTERESA ZA 2021. GODINU**

Brčko, februar 2022. godine

Na osnovu člana 25 Zakona o sprečavanju sukoba interesa u institucijama Brčko distrikta Bosne i Hercegovine (Službeni glasnik Brčko distrikta Bosne i Hercegovine, broj 04/21), Komisija za odlučivanje o sukobu interesa na 15. sjednici održanoj 11. 02. 2022. godine donosi

## **IZVJEŠTAJ O RADU KOMISIJE ZA ODLUČIVANJE O SUKOBU INTERESA ZA 2021. GODINU**

### **UVODNE NAPOMENE**

Shodno članu 25 stavu 1 tački h) Zakona o sprečavanju sukoba interesa u institucijama Brčko distrikta Bosne i Hercegovine (Službeni glasnik Brčko distrikta Bosne i Hercegovine, broj 04/21), Komisija za odlučivanje o sukobu interesa podnosi Skupštini Brčko distrikta BiH Izvještaj o radu s ciljem da predstavi i prikaže podatke o aktivnostima Komisije u periodu od 16. 06. 2021. godine do 31. 12. 2021. godine.

U provođenju svojih poslova tokom 2021. godine Komisija za odlučivanje o sukobu interesa je svoje aktivnosti prije svega usmjerila na ogranizovanje rada Komisije, što je prevashodno obuhvatalo obezbjeđenje budžetskih sredstava i poslovnog prostora, pokretanje postupaka nabavke, omogućavanje poslovanja Komisije i provođenje zadataka propisanih Zakonom.

Izvještaj je koncipiran na način da strukturno i tematski objašnjava provedene aktivnosti, te izvještava o pojedinim temama.

### **PRAVNA REGULATIVA, NADLEŽNOST I ORGANIZACIJA RADA KOMISIJE**

Zakonom o sprečavanju sukoba interesa u institucijama Brčko distrikta Bosne i Hercegovine propisuju se obaveze nosilaca javnih funkcija na nivou Brčko distrikta BiH s ciljem osiguravanja političke odgovornosti i vjerodostojnosti nosilaca javnih funkcija, odnosno zaštite integriteta javne funkcije.

Odredbe Zakona propisuju obaveze, prava i odgovornosti nosilaca javne funkcije, nespojivosti s obavljanjem javne funkcije, ograničenja, prenos upravljačkih prava, poslovne odnose nosilaca javne funkcije i članova uže porodice, zabranjene aktivnosti, primanje poklona, podnošenje Izvještaja o imovinskom stanju nosilaca javne funkcije i svih podataka, koji se unose u izvještaj, Jedinostveni registar javnih funkcija, nosilaca javne funkcije, imovine nosilaca javne funkcije i poklona, provjeru podataka iz Izvještaja, nadležnost i postupak pred Komisijom, odluke i mišljenja Komisije, sankcije koje Komisija može izreći kao i druga pitanja od značaja za provođenje ovog zakona.

Zakonom o sprečavanju sukoba interesa u institucijama Brčko distrikta Bosne i Hercegovine propisane su nadležnosti Komisije za odlučivanje o sukobu interesa i to:

- provodi nepristrasan, odgovoran i objektivni postupak za utvrđivanje postojanja sukoba interesa u pojedinačnim slučajevima, po prijavi ili po službenoj dužnosti i poduzima mjere za sprečavanje sukoba interesa te izriče sankcije;
- provjerava tačnost i potpunost podataka iz izvještaja;
- inicira izmjene propisa koje se direktno ili indirektno tiču sukoba interesa te daje mišljenje na takve propise inicirane od drugih organa ili institucija;

- daje mišljenja i uputstva nosiocu javne funkcije i drugim zainteresovanim licima s ciljem sprečavanja sukoba interesa i pravilnog podnošenja izvještaja;
- provodi obuke i prezentacije te informiše nosioce javnih funkcija o njihovim pravima, obavezama i odgovornostima u vezi sa sukobom interesa te pravilnom podnošenju izvještaja;
- uspostavlja Jedinostveni registar;
- odlučuje o postojanju sukoba interesa u pojedinačnom slučaju;
- jednom godišnje izvještava Skupštinu o svom radu;
- podnosi izvještaj Tužilaštvu Brčko distrikt BiH o povredi Zakona koje može imati obilježje krivičnog djela;
- inicira pokretanje postupka oduzimanja nezakonito stečene imovine;
- donosi Poslovnik o radu i druge akte propisane Zakonom i
- obavlja druge poslove propisane Zakonom.

Komisija za odlučivanje o sukobu interesa kao stalno, nezavisno i samostalno tijelo formirana je radi provođenja Zakona o sprečavanju sukoba interesa u institucijama Brčko distrikta Bosne i Hercegovine. Komisiju čine predsjednik i dva člana. Imenuju se na mandat od pet godina, nakon provedene procedure po javnom pozivu, a mogu biti imenovani najviše dva puta. Objavljivanje javnog poziva, postupak izbora i utvrđivanja prijedloga kandidata provela je Komisija za izbor i imenovanje i mandatno-imunitetska komisija Skupštine. Skupština Brčko distrikta BiH je dana 16. 06. 2021. godine imenovala članove Komisije u sastavu: Admira Mujić, predsjednik Komisije i Ružica Marković i Lepa Božić, članovi Komisije.

Stručne poslove kao i pružanje administrativne i tehničke pomoći u radu Komisije obavljaju zaposleni u Komisiji.

U Komisiji su zaposlena: 3 (tri) viša stručna saradnika za sukob interesa, koji su Odlukom predsjednika Skupštine od 28. 09. 2021. godine trajno premješteni u Komisiju za odlučivanje o sukobu interesa, od kojih su: dva diplomirana pravnika i jedan diplomirani ekonomista. Viši stručni saradnik za informacione tehnologije, zaposlen je u Komisiji od 01. 12. 2021. godine na neodređeno vrijeme, javnim konkursom, po propisanoj proceduri.

Shodno Odluci o organizaciji i sistematizaciji zaposlenih u Komisiji za odlučivanje o sukobu interesa upražnjene su tri pozicije, i to: viši stručni saradnik za podršku (pravnog smjera), viši stručni saradnik za pravne, kadrovske i opšte poslove (pravnog smjera) i viši stručni saradnik za finansijsko poslovanje (ekonomskog smjera). U Budžetu za 2021. i 2022. godinu nisu obezbijeđena potrebna sredstva za ove pozicije.

Komisija za odlučivanje u sukobu interesa od 16. 06. 2021. godine pa do 31. 12. 2021. godine obavljala je u etapama sve obaveze propisane Zakonom.

Shodno odredbama Zakona o sprečavanju sukoba interesa u institucijama Brčko distrikta BiH, a u skladu sa svojim nadležnostima, Komisija je u zakonom propisanom roku donijela sljedeće podzakonske akte:

1. Odluku o u unutrašnjoj organizaciji i sistematizaciji radnih mjesta u Komisiji za odlučivanje o sukobu interesa, uz prethodnu saglasnost Skupštine,
2. Poslovnik o radu Komisije za odlučivanje o sukobu interesa u Brčko distriktu BiH (Službeni glasnik Brčko distrikta Bosne i Hercegovine, broj 19/21),
3. Odluku o sadržaju i načinu vođenja Jedinostvenog registra javnih funkcija, nosilaca javne funkcije, imovine nosilaca javne funkcije i poklona (Službeni glasnik Brčko distrikta Bosne i Hercegovine, broj 19/21), te druge opšte akte potrebne za daljnji rad Komisije.

Komisija donosi odluke, rješenja, zaključke, mišljenja i druge opšte i pojedinačne akte shodno odredbama Zakona o sprečavanju sukoba interesa u institucijama Brčko distrikta BiH i Zakona o upravnom postupku.

Odluke Komisije su konačne i protiv njih se može pokrenuti upravni spor pred Osnovnim sudom Brčko distrikta Bosne i Hercegovine.

## **AKTIVNOSTI KOMISIJE**

Članovi Komisije za odlučivanje o sukobu interesa u izvještajnom periodu boravili su u prostorijama Skupštine Brčko distrikta BiH. Članovi Komisije su u neadekvatnim uslovima, u prostoru poslaničkog kluba, s punim entuzijazmom, prije svega, radeći na organizaciji i obezbjeđenju uslova za rad Komisije ispunili sve obaveze i donijeli navedene propise, odnosno podzakonske i opšte akte, shodno zakonskim odredbama, u periodu od 01. 07. 2021. godine do kraja izvještajnog perioda.

Nakon premještanja tri izvršioca iz Izborne komisije na poziciju viši stručni saradnik za sukob interesa u Komisiju za odlučivanje o sukobu interesa, krajem septembra 2021. godine, pojačani su problemi u smislu nedostatka prostora za rad, a posebno izraženog nakon dolaska višeg stručnog saradnika za informacione tehnologije u Komisiju.

Poslovanje Komisije odvijalo se na dvije lokacije, odnosno u dva poslovna prostora u dvije različite zgrade, uz nedostatak adekvatnih sredstava za rad (multimedijalne opreme, kancelarijskog materijala i slično). Odlukom gradonačelnika Brčko distrikta BiH broj: 22-001907/21 od 16. 09. 2021. godine date su Komisiji za odlučivanje o sukobu interesa na privremeno korištenje prostorije u ulici Trg mladih 8, s tim da je prelazak u nove prostorije predviđen početkom 2022. godine, s obzirom da u novim prostorijama nedostaje kancelarijski namještaj potreban za rad, kao i druga oprema koja se nabavlja procedurama javne nabavke, a shodno Zakonu o javnim nabavkama BiH. U proteklom periodu Komisija za odlučivanje o sukobu interesa sačinila je rebalans Budžeta za 2021. godinu, plan nabavke za 2021. godinu, prijedlog Budžetskog zahtjeva za 2022. godinu, započela niz postupaka nabavke za kancelarijski materijal, tonere, osiguranje radnika, nabavku telefonske centrale i aparata, računara i računarske opreme, sitnog inventara, baze pravnih propisa i slično. Komisija je održala 11 sjednica sa ukupno 40 tačaka dnevnog reda. U izvještajnom periodu kroz djelovodnik predmeta i akata upisana i obrađena su ukupno 102 predmeta.

Komisija je odgovorila na dva poslanička pitanja i na dva upita, dala četiri mišljenja, zaključkom odbacila zahtjev za pokretanje postupka iz razloga nenadležnosti, rješavala po prijavi za sukob interesa u dva slučaja. U jednom slučaju donesena je odluka o nepokretanju postupka, a u drugom slučaju odluka o pokretanju postupka. Komisija je zahtijevala dostavu obrazaca o javnoj funkciji i nosiocu javne funkcije od svih organa i institucija Distrikta, pravnih lica koje je osnovao Distrikt i pravnih lica kojima je povjereno vršenje javnih ovlaštenja, sačinila spisak javnih funkcija i nosilaca javnih funkcija, zahtijevala od 173 nosioca javne funkcije popunjavanje obrazaca o imovinskom stanju nosilaca javne funkcije, bračnog i vanbračnog druga, djece i drugih članova porodičnog domaćinstva, kao i lica prema kojima nosilac javne funkcije ima zakonsku obavezu izdržavanja, izrađivala sve akte vezane za primjenu zakona o Budžetu Brčko distrikta BiH, te blagovremeno izvršavala sve zakonske obaveze i postupala po podnescima stranaka.

U skladu s članom 45 stavom 3 a u vezi s članom 18 stavom 1 Zakona o sprečavanju sukoba interesa u institucijama Brčko distrikta BiH, a na osnovu dostavljenih obrazaca o javnoj funkciji i nosiocima javne funkcije od strane organa, institucija Distrikta kao i pravnih lica koje osniva Distrikt i pravnih lica kojima je povjereno vršenje javnih ovlaštenja, Komisija je sačinila Registar javnih funkcija i nosilaca javnih funkcija.

Tabelarni prikaz javnih funkcija i broj nosilaca javne funkcije<sup>1</sup>:

NAZIV JAVNE FUNKCIJE	BROJ NOSILACA JAVNE FUNKCIJE
Predsjednik Skupštine Brčko distrikta BiH	1
Zamjenik predsjednika Skupštine Brčko distrikta BiH	1
Zastupnik u Skupštini Brčko distrikta BiH	29
Gradonačelnik Brčko distrikta BiH	1
Zamjenik gradonačelnika Brčko distrikta BiH	1
Glavni koordinator Vlade Brčko distrikta BiH	1
Savjetnik gradonačelnika Brčko distrikta BiH	6
Šef Odjela Vlade Brčko distrikta BiH	12
<b>Predsjednik</b>	
Komisija za odlučivanje o sukobu interesa	1
Komisija za papire od vrijednosti	1
Izborna Komisija	1
<b>Zamjenik predsjednika</b>	
Komisija za papire od vrijednosti	1
<b>Član</b>	
Komisija za odlučivanje o sukobu interesa	2
Komisija za papire od vrijednosti	1
Izborna Komisije	6
<b>Direktor</b>	
Kancelarija za prevenciju korupcije i koordinaciju aktivnosti na suzbijanju korupcije u Brčko distriktu BiH	1
Zavod za zapošljavanje Brčko distrikta BiH	1
Fond zdravstvenog osiguranja Brčko distrikta BiH	1
Razvojno-garantni fond Brčko distrikta BiH	1
Zavod za planiranje, projektovanje i razvoj Brčko distrikta BiH	1
„JP Komunalno Brčko“ d.o.o. Brčko distrikta BiH	1
RNU „Radio Brčko“ Brčko distrikta BiH	1
JP „Putevi Brčko“ d.o.o. Brčko distrikta BiH	1
JZU „Zdravstveni centar Brčko“ Brčko distrikta BiH	1
JP „Luka Brčko“ d.o.o. Brčko distrikta BiH	1
<b>Zamjenik direktora</b>	
Kancelarije za prevenciju korupcije i koordinaciju aktivnosti na suzbijanju korupcije u Brčko distriktu BiH	2
Fond zdravstvenog osiguranja Brčko distrikta BiH	2

<sup>1</sup> Podaci preuzeti iz *Registra javnih funkcija i nosilaca javne funkcije*.

Zavod za planiranje, projektovanje i razvoj Brčko distrikta BiH	2
„JP Komunalno Brčko“ d.o.o.	2
JP „Putevi Brčko“ d.o.o. Brčko distrikta BiH	2
JZU „Zdravstveni centar Brčko“	2
JP „Luka Brčko“ d.o.o. Brčko distrikta BiH	2
<b>Glavni revizor</b>	1
<b>Zamjenik glavnog revizora</b>	2
<b>Šef Policije</b> Brčko distrikta BiH	1
<b>Zamjenik šefa Policije</b> Brčko distrikta BiH	1
<b>Predsjednik upravnog odbora</b>	
Fond zdravstvenog osiguranja Brčko distrikta BiH	1
Zavod za zapošljavanje Brčko distrikta BiH	1
Razvojno-garantni fond Brčko distrikta BiH	1
Zavod za planiranje, projektovanje i razvoj Brčko distrikta BiH	1
JZU „Zdravstveni centar Brčko“	1
RNU „Radio Brčko“ Brčko distrikta BiH	1
„JP Komunalno Brčko“ d.o.o.	1
JP „Putevi Brčko“ d.o.o. Brčko distrikta BiH	1
JP „Luka Brčko“ d.o.o. Brčko distrikta BiH	1
<b>Član upravnog odbora</b>	
Fond zdravstvenog osiguranja Brčko distrikta BiH	4
Zavod za zapošljavanje Brčko distrikta BiH	4
Razvojno-garantni fond Brčko distrikta BiH	4
Zavod za planiranje, projektovanje i razvoj Brčko distrikta BiH	4
„JP Komunalno Brčko“ d.o.o.	4
RNU „Radio Brčko“ Brčko distrikta BiH	4
JP „Putevi Brčko“ d.o.o. Brčko distrikta BiH	4
JZU „Zdravstveni centar Brčko“	4
JP „Luka Brčko“ d.o.o. Brčko distrikta BiH	4
<b>Predsjednik nadzornog odbora</b>	
Zavod za zapošljavanje Brčko distrikta BiH	1
JZU „Zdravstveni centar Brčko“	1
<b>Član nadzornog odbora</b>	
Zavod za zapošljavanje Brčko distrikta BiH	2
JZU „Zdravstveni centar Brčko“	2
<b>Pravobranilac</b>	1
<b>Član Pravosudne Komisije</b>	
Brčko distrikta BiH iz reda građana	3
<b>Predsjednik</b>	1
<b>Član</b>	6
Nezavisni odbor za izbor šefa i zamjenika šefa Policije	
<b>Direktor pravnog lica kojem je povjereno vršenje javnog ovlaštenja</b>	
„Centar za tehničke sisteme“ d.o.o. Brčko distrikta BiH	1
<b>UKUPNO</b>	<b>157</b>

Iz navedenog tabelarnog prikaza vidljivo je, da u Brčko distriktu BiH postoje različite javne funkcije u organima, institucijama, pravnim licima koje osniva Distrikt kao i u pravnim licima kojima je povjereno vršenje javnog ovlaštenja s ukupno 157 nosilaca javne funkcije.

## **DONACIJE**

Komisiji za odlučivanje o sukobu interesa je u decembru 2021. godine od strane OSCE-a donirana IT oprema: tri laptopa i jedan laser printer. Ukupna vrijednost donirane opreme iznosila je 8.673,05 KM. Oprema je donirana u okviru aktivnosti OSCE-a na unapređenju demokratskih prava, s obzirom da Komisija za odlučivanje o sukobu interesa shodno svojim nadležnostima kroz svoje aktivnosti radi na unapređenju demokratskih prava građana.

## **EDUKACIJE/SEMINARI**

U cilju jačanja ukupnih stručnih kapaciteta Komisije održane su edukacije, odnosno usavršavanje članova Komisije i zaposlenih službenika u Komisiji za odlučivanje o sukobu interesa, koje su organizovane od strane Misije OSCE-a, te obavljene tri studijske posjete institucijama koje djeluju na području sprečavanja sukoba interesa, odnosno prevencije korupcije.

Obuke su održavane od strane konsultanata koji se dugo bave materijom o sukobu interesa, prenoseći svoja znanja i iskustva zaposlenima u Komisiji kroz predavanja i radionice. Zaposlenici Komisije su u izvještajnom periodu imali radne posjete Komisijama za odlučivanje o sukobu interesa u Sarajevu i Banjoj Luci, a članice Komisije su uzele učešće i na konferenciji povodom obilježavanja Međunarodnog dana borbe protiv korupcije, koja se održala u Sarajevu u organizaciji *Transparency international*.

Edukacije za nosioce javnih funkcija u izvještajnom periodu nisu održane zbog problema sa COVID-om i nedostatka postojećih sredstava potrebnih za održavanje edukacije, ali su nosioci javne funkcije pisanim putem od strane Komisije za odlučivanje o sukobu interesa obavještavani o svojim pravima, obavezama i odgovornostima, propisanim Zakonom o sprečavanju sukoba interesa u institucijama Brčko distrikta BiH.

## **BUDŽET KOMISIJE I POSTUPAK JAVNE NABAVKE**

Članom 24 stavom 5 Zakona o sprečavanju sukoba interesa u institucijama Brčko distrikta BiH propisano je da se sredstva za rad Komisije za odlučivanje o sukobu interesa osiguravaju u Budžetu Brčko distrikta BiH.

Komisija za odlučivanje o sukobu interesa prilikom osnivanja 16. 06. 2021. godine nije imala obezbijeđena sredstva u Budžetu za 2021. godinu, izuzev bruto plata za članove Komisije.

Odlukom o izmjenama budžeta Brčko distrikta BiH za 2021. godinu broj: 01-02-4224/21 od 22.09.2021. godine, odnosno rebalansom Budžeta obezbijeđena su neophodna sredstva na organizacionom kodu broj: 33010001 u iznosu od 178.476,00 KM za 2021. godinu. Komisija za odlučivanje o sukobu interesa zahtijevala je budžetska sredstva za plate i naknade zaposlenih, tekuće troškove, ugovorene usluge i nabavku opreme za koju je bilo moguće pokrenuti postupke nabavke tokom 2021. godine. Budžetom Brčko distrikta BiH obezbijeđena su sredstva za 2021. godinu.



Tabelarni prikaz Budžeta za 2021. godinu:

<b>Ekonomski kod</b>	<b>Naziv ekonomskog koda</b>	<b>Iznos sredstava</b>
611100	Bruto plate	83.165,00 KM
611200	Naknade troškova zaposlenika	6.516,00 KM
612100	Doprinosi poslodavca	5.195,00 KM
613100	Putni troškovi	2.300,00 KM
613200	Rashodi za energiju	3.500,00 KM
613300	Rashodi za komunikaciju i komunalne usluge	2.400,00 KM
613400	Nabavka materijala, robe i sitnog inventara	5.400,00 KM
613500	Rashodi za usluge prevoza i goriva	1.500,00 KM
613900	Ugovorene i druge posebne usluge	8.000,00 KM
821300	Nabavka opreme	60.500,00 KM
<b>UKUPNO</b>		<b>178.476,00KM</b>

#### **Plan nabavke za 2021. godine**

U izvještajnom periodu, shodno planu nabavke, Komisija je započela sljedeće postupke nabavke:

- nabavka osiguranja radnika,
- nabavka tonera,
- nabavka kancelarijskog materijala,
- nabavka PTT- usluga,
- nabavka štampanog materijala,
- nabavka računara,
- nabavka telefonske centrale,
- nabavka namještaja i
- nabavka restoranskih usluga.

Sljedeći postupci nabavke su započeti i okončani:

- nabavka pečata i prijemnog štambilja,
- nabavka Paragraf Lex ba,
- nabavka sitnog inventara i
- nabavka sefa.

#### **SARADNJA**

Komisija za odlučivanje o sukobu interesa je u izvještajnom periodu imala dobru i kvalitetnu saradnju sa svim organima i institucijama Brčko distrikta BiH, a prije svega sa Skupštinom i Vladom Brčko distrikta BiH, Direkcijom za finansije, Kancelarijom za upravljanje javnom imovinom, Osnovnim sudom Brčko distrikta BiH i drugim organima i institucijama Distrikta. Osim navedene saradnje, ista je ostvarena i sa Uredom OHR-a.



Komisija za odlučivanje o sukobu interesa održala je više sastanaka sa Supervizorom za Brčko distrikt BiH, Michaelom Scanlanom na temu organizacije Komisije, obezbjeđenja materijalnih sredstava za rad, izvršavanja zadataka propisanih Zakonom o sprečavanju sukoba interesa u institucijama Brčko distrikta BiH i slično. Komisija je imala odličnu saradnju i s predstavnicima OSCE-a, posebno u donaciji opreme, obukama, izradi web-stranice i slično.

Svesrdnu pomoć Komisija za odlučivanje o sukobu interesa imala je i od strane pravnog tima OHR-a i OSCE-a.

## JAVNOST RADA KOMISIJE

U proteklom periodu zbog angažovanosti na organizaciji Komisije i obezbjeđenju osnovnih sredstava za rad putem postupaka nabavke, a shodno odobrenim budžetskim sredstvima, Komisija nije imala zapažene aktivnosti u dijelu informisanja javnosti o radu Komisije. Predsjednica Komisije je u nekoliko navrata bila gost emisije „Radio Brčko“, u kojima je obavještavala javnost o radu Komisije, posebno o osnivanju, upoznavanju s odredbama Zakona, zahtjevom za dostavu podataka u obrascima ANEKS I i II i slično.

Za ostale aktivnosti vezane za javnost rada nije bilo dovoljno odobrenih budžetskih sredstava, uslova i potrebe.

OSCE je u okviru podrške Komisiji finansirao izradu web-stranice Komisije, koja je dostupna javnosti, nosiocima javne funkcije i svim zainteresovanim licima, a putem koje javnost i nosioci javne funkcije mogu da se informišu o radu Komisije, novostima, bitnim dešavanjima, pravima, obavezama i slično. Putem navedene stranice moguće je podnijeti anonimne prijave protiv nosilaca javne funkcije. Također će nosioci javne funkcije ubuduće putem web-stranice Komisije biti obaviješteni o pravima, obavezama i odgovornostima propisanim Zakonom o sprečavanju sukoba interesa u institucijama Brčko distrikta BiH.

Komisija za odlučivanje o sukobu interesa nastojat će svojim profesionalnim i stručnim radom stvoriti povoljniju klimu za prosperitetniji i bolji život građana u Brčko distriktu BiH, te time vratiti povjerenje građana u javnu vlast.

Intencija Komisije je da u narednom periodu radi na izgrađivanju lične svijesti o potrebi savjesnog djelovanja, predaje blagovremene i vjerodostojne dokumentacije o imovinskom stanju nosioca javne funkcije, dobivenim poklonima i slično kada je pitanju ispunjavanje obveza nosilaca javnih funkcija propisanih ovim zakonom.

Ukoliko nosilac javne funkcije povrijedi odredbe Zakona, Komisija će biti obavezna pristupiti represivnom djelovanju i izricanju sankcija nosiocima javne funkcije, iako je preventivno djelovanje u sprečavanju sukoba interesa sprečavanje povrede prava prevashodno cilj Komisije za odlučivanje o sukobu interesa.

Broj: KSI-06-08/2022

Datum: 11. 02. 2022. godine

predsjednik  
Komisije za odlučivanje o sukobu interesa

Admira Mujić, dipl. pravnik